

# Bolang Kristal (feat. KZ Tandingan)

## Abra

Verse 1:

Bolang Kristal ipakita mo sa akin ang  
Kapalaran ni Dante kung sakali lang  
Na malulong sa pag inom ng ALAK

Di alam na papunta sa patibong ang tapak. Mapapahamak, walang pake.

Inuman na agad ng hapon hanggang gabe.

Hanggang abutin ng umaga, nakatulala na

Walang maalala, parang dumaan sa

Gubat ang itsura, hininga amoy suka.

Suka sa sahig at laway sa bibig natuyo na

Puro alak lang ang madalas kasama

Bakit nga ba to mali kung malakas ang tama

Lasing na lasing, nakaaway ang nobya

Sa gulong ng kapalaran nina vodka

Naiwan na wala man lang na halik at yakap

Di alam ang gagawin kundi balik sa alak

Hanggang sa isang gabi, natagpuan

Galing sa inuman at nag lalakad sa ulan

Nakapikit at walang imik pauwi na

Ng bigla na lamang nakarinig ng busina

May kotse na biglang pabangga na sa kanya

Di napansin nasa gitna ng kalsada pala sya

Hindi na nagawang, umiwas sapagkat

Namalayan lang ni Dante nung huli na ang lahat. Chorus:

Ang bawat kilos may kahihinatnan

Sikapin mo bago sapitin ang napiling daan.

Minsan, sarili din ang pinagdidiktahan

Kung hawak mo naman ang palad mo

Ano naman kailangan mo sa Bolang Kristal. Verse 2:

Bolang Kristal ipakita mo sa akin ang

Kapalaran ni Dante kung sakali lang

Na malulong at maakit sa DROGA

Na ipinagbabawal na adik ng sobra. Nag simula sa alok ng kaibigan

Napatikim at ng sabog, nakangiti lang.

Nakahiligan dating pangangapa lang

Ang laging pang-alihw naging pangangailangan.

Ano pa nga ba? Wala ngang namimilit

Kailangan ng tama, para sa tamang pag iisip

Para matahimik, para makahirit

Parang nabubuhay sa magandang panaginip  
Hanggang sa naging bula ang pera.  
Nawala na lang kaya nagsimula magbenta.  
Naging taga tulak ng mga tampalasan,  
Desisyon na wala ng atrasan.  
Isang gabi, na nagkabilangan.

Na ka-tropa nya sa droga na walang iwanan  
Nakatulog, at magising ay naisahan  
Wala ng droga at pera at ang napagbintangan  
Ay sya lang, nalaman at nagalit ang amo  
Sapagkat, walang natira na kahit na magkano  
Di masukat ang bigat ng pighating nadama  
Nasisante si Dante at binaril sa panga.Chorus:

Ang bawat kilos may kahihinatnan  
Sikapin mo bago sapitin ang napiling daan.

Minsan, sarili din ang pinagdidiktahan  
Kung hawak mo naman ang palad mo

Ano naman ang kailangan mo sa Bolang Kristal.Verse 3:

Bolang Kristal ipakita mo sa akin ang  
Kapalaran ni Dante kung sakali lang  
Na malulong ng masyado sa SUGAL

Bakit nga naman makikipag-talo pa tatal. Naglalaro at kumikita. Imposible ba?

Dito mabilis ang kita tipong triple pa.

Larong baraha, sabong, jueteng at karera  
Pag swerte aba syempre pwedeng magkapera  
Isang araw, pumasok mag-isa sa casino  
Tinaya ang natitirang limang daang piso  
Paraiso, na naging isang daang libo  
Mula noon halos nanirahan na dito

Ng biglang bumaliktad ang ngiti sa mga labi  
Ubos ang salapi at hindi na makabawi  
Pero sabi sabi lang madali tong bawian  
Bumawi sa casino, Kasinungalingan!

Umutang pa ng pang gasta sa maton  
Puro pusta panay patalo hanggang sa mabaon  
Parang nahigop ang lahat ng malakas na buhawi  
Isang gabi nasa bubong na mataas na gusali  
Madalas ang ugali palabag kapag gipit  
Pero sa ngayon naka-tanga at naka-pikit

Kawawang Dante tapak sa gilid sabay hakbang  
Sa dami ng problema, nagpakamatay na lang.Chorus:

Ang bawat kilos may kahihinatnan  
Sikapin mo bago sapitin ang napiling daan.

Minsan, sarili din ang pinagdidiktahan  
Kung hawak mo naman ang palad mo

Ano naman ang kailangan mo sa Bolang Kristal.\*Repeat Chorus

Lyrics provided by  
<https://damnlyrics.com/>